

說文引經考

說文引經攷卷二

山陽吳玉搢山夫箸

儀徵程贊詠樂甫梓

人部

詩曰弁服侏侏 今詩周頌絲衣作載弁

周禮曰大傀異 春官大司樂按禮本以大傀異裁  
爲句傀怪也說文引經脫裁字

論語曰文質份份 古文作彬 今論語从古文

詩曰威儀忸忸 今詩小雅賓之初筵作忸忸按說  
文無忸字毛傳忸忸媒娼也說文訓忸爲威儀而  
引此詩似與詩意相反當从毛傳爲正

虞書曰方鳩倂功 堯典今倂作僞誤詳前正部述

註

春秋傳曰長儼者相之 今左傳昭七年作鬣按說  
文長壯儼儼也杜註多鬣也徐氏曰許在杜前故  
義或與今註異

詩曰行人儵儵 齊風載驅

詩曰佩玉之儺 衛風竹竿

詩曰周道倭遲 小雅四牡

詩曰伾伾俟俟 今詩小雅吉日作儵儵俟俟按後  
漢書馬融傳註引韓詩作駉駉文選注載薛君章  
句作駉音鄙趨曰駉行曰駉說文伾與駉近疑古  
本有此

詩曰神岡時侗 今詩大雅思齊作恫按恫訓痛與  
上文怨字一意侗訓大兒與今詩解不合

詩曰既佶且閑 小雅六月

詩曰碩人俱俱 邶風簡兮

周禮曰句兵欲無憚 今周禮攷工記廬人作彈鄭  
註故書彈作但鄭司農曰但讀爲彈丸之彈彈謂  
掉也彈憚形聲相近古或借用

周書曰佺佺勇夫 秦誓隸省作仉

詩曰瑟兮僖兮 衛風淇奥

詩曰以車伋伋 魯頌駟說文長箋以此爲逸詩誤

詩曰其人美且偲 齊風盧令六書故曰說文偲彊

力也引詩美且偲何謂詩二章曰美且鬢三章曰美且偲鬢言髮偲言髯卽春秋于思之思許說非也正字通曰偲朱傳多鬚貌然二章鬢訓鬚鬢好偲又訓多鬚語意犯複說文偲訓彊力猶鄭風不如叔也洵美且武之意彊力者言其仁且武也書故以許說爲非蓋蔽于朱傳耳

詩曰倬彼雲漢 大雅雲漢

詩曰豔妻鬢方處 今詩小雅十月之交作煽按說文本作鬢徐鉉新附煽音義皆同當作一字重文春秋傳曰儼宮 左傳襄九年

詩曰令終有俶 大雅旣醉

詩曰倭而不見 今詩却風靜女作愛按說文愛慕  
字本作悉愛行也倭仿佛也音同訓異詩言女在  
城隅靜僻之處仿佛不得見故搔首踟躕耳倭訛  
省爲愛毛鄭皆以悉慕字釋之失其旨矣

明堂月令曰數將饑終 今月令作幾

春秋傳曰吾儕小人 左傳宣十一年襄十七年三  
十年

詩曰偕偕士子 小雅北山

春秋國語曰於其心忒然 吳語作戚然

詩曰決拾旣飲 小雅車攻

詩曰闕宮有恤 魯頌閟宮

詩曰曷其有僭 王風君子于役隸省作佞

虞書曰假于上下 今書堯典作格按易萃卦王假

有廟詩商頌昭假遲遲格皆作假格假二字古蓋

通用

詩曰倪天之妹 大雅大明

逸周書曰朕實不明以佺伯父 無攷

少儀曰尊壺者偁其鼻 今禮記少儀作面按鄭註

鼻在面中言鄉人也說文偁亦訓鄉字異義同

詩曰命彼倌人 鄘風定之方中

詩曰价人維藩 大雅板之篇

呂不韋曰有佻氏以伊尹倂女 呂氏春秋

詩曰誰侑子美

陳風防有鵲巢

春秋傳曰乘中侑 今左傳哀十七年作乘衷甸說  
文中侑一轅車與杜註同中通作衷國語曰國之  
將興其君齊明衷正甸从勺勺亦人字變體也但  
說文侑中也于義不解疑有錯誤

詩曰伯伯彼有屋 今詩小雅正月作𠩺𠩺

春秋國語曰侑飯不及一食 今越語作觥飯不及  
壺殮註觥大也盛饌未具不能虛以待之不及壺  
殮之救飢疾也太玄經觥羊之穀註觥大也說文  
侑訓小貌而引國語語意相戾疑誤

詩曰視民不佻 今詩小雅鹿鳴作挑左傳引此詩

亦作佻六書正譌云別作桃非

詩曰宛然左僻 今詩魏風葛屨作辟音避說文僻亦訓避按經典避借用辟僻亦借用辟音義可通然未有僻借爲避避借用僻者說文訓語疑有錯誤

詩曰籀人伎忒 今詩大雅瞻卬作鞠作伎籀卽鞠本字伎蓋假借

詩曰仄弁之俄 今詩小雅賓筵作側按仄側音義同史記平準書赤仄作赤側

詩曰屢舞僊僊 小雅賓筵隸省作僊

詩曰屢舞僛僛 小雅賓筵又詳女部娑註

詩曰室人交徧催我 今詩邶風北門作摧按催摧  
形聲相近古或通借韓詩作謹就也義異

春秋傳曰以爲俘馘 左傳成三年

詩曰有女叱離 王風中谷有蕓

詩曰傳杳背憎 今詩小雅十月之交作噂詳前口

部噂註

匕部

詩曰岐彼織女 今詩小雅大東作跂跂義同

詩曰高山叩止 今詩小雅車牽作仰按說文叩仰

分訓叩望欲有所庶及也平聲仰舉也上聲然經

典相承通用無別大雅雲漢瞻卬昊天釋文云本

又作仰周禮地官保氏軍旅之容註闕闕仰仰釋  
文云本又作卬

易曰艮其限 艮卦五經文字云艮艮上說文下經  
典相承隸省

比部

周書曰無苾于卹 今周書大誥作恤五經文字云  
與卹同說文卹恤音義皆同當是一字重文

𠂔部

虞書曰臬咎繇 今書舜典作暨臬陶玉篇云臬古  
文暨字韻會云今文尚書作暨咎繇詳前言部謨  
註

身部

易曰殷薦之上帝 豫卦

衣部

詩曰要之襪之 魏風葛屨

詩曰素衣朱襮 唐風揚之水隸省作襮

周禮曰王后之服褱衣 天官內司服

論語曰衣弊緼袍 今論語作敝按說文敝敗衣也

弊顛仆也弊譌爲弊从大弊譌爲弊从井弊乃弊之譌字說文袍註引論語作弊誤

春秋傳曰盛夏重襦 今左傳襄二十一年夏楚子

使遼子馮爲令尹以疾辭方暑闕地下冰而牀焉

重繭衣裘作繭爾雅釋言袍繭也註引左傳亦作  
繭本作繭譌省作繭韻會云繭通作繭非

詩曰衣錦褰衣 衛風碩人鄭風丰詳前艸部繖註  
春秋傳曰披斬其祛 左傳僖五年

論語曰朝服絺綌 今論語作拖按說文無拖經典  
釋文云本作拖亦作拖玉篇作拖集韻絺通作拖  
春秋傳曰徵褰與襦 左傳昭二十五年

詩曰載衣之襜 今詩小雅斯干作褌按說文褌袒  
也襜緇也毛傳訓褌爲緇褌無緇義蓋以褌褌音  
近故譌褌爲褌經典釋文云韓詩作褌褌卽褌也  
爾雅曰褌褌褌褌 徐鉉曰說文無褌字爾雅亦無

此語疑後人所加

詩曰何彼穠矣 今詩召南作穠按毛鄭皆作穠註  
猶戎戎也韓詩作莢音戎于祿字書云正作穠俗  
作穠五經文字云从禾者譌正字通駁之云按何  
彼句連下唐棣之華起義穠茂密兒指唐棣之華  
而言以衣厚爲穠本訓則又不當引何彼穠矣句  
朱傳豐氏本皆作穠詩世本古義云據春秋王姬  
以冬歸齊衣厚之時也故卽其所見爲咏蓋因衣  
厚二字牽引春秋以就說文非正義也予謂古詩  
旣無穠字衣厚乃穠字本訓詩咏王姬不必專指  
衣厚亦概狀其服御之盛顏色之美耳所謂借音

不借義也必云字當作穠殊爲俗本所蔽又六經  
輿論云春秋莊元年書王姬歸于齊乃桓王女平  
王孫下嫁于齊襄公故詩曰齊侯之子平王之孫  
此斷無疑王姬歸齊旣在于冬卽不必咏其衣之  
厚薄亦何从得唐棣桃李而咏之毛傳云喻王姬  
顏色之美盛則是不必實有唐棣桃李而以爲言  
也此詩人取興之一端讀者慎無以文害辭可也  
春秋傳曰公會齊侯於移 今左傳桓十五年作袤  
穀梁同公羊作侈左有宋公衛侯陳侯而無齊侯  
公羊有齊侯

春秋傳曰有空鵝 無攷

詩曰是褻袿也 今詩鄘風君子偕老作繼按說文  
袿註亦引此詩作繼繼褻音同古或通借

春秋傳曰皆衷其袒服 左傳宣九年

詩曰靜女其祿 今詩邶風靜女作妹按說文女部  
媼註亦引此詩作媼媼好也祿好佳也妹亦訓好  
三字音義皆同當是一字重文又見本部褻註

詩曰是繼袿也 鄘風君子偕老

易曰有孚裕無咎 晉卦今本有作岡疑此誤

春秋傳曰楚使公親襚 左傳襄二十九年

讀若詩曰葛藟縈之一曰若靜女其祿之祿 上周

南樛木下見本部祿註又此褻訓所引詩說文長

箋曰祿音無可諧當是妹訓錯簡刪可也

毛部

虞書曰鳥獸毳毳 今書堯典作毳毛詳前毳部  
註又按毛髦古通儀禮既夕馬不齊髦鄭註今文  
髦爲毛又古文尙書亦作毳髦

詩曰毳衣如繡 今詩王風大車作繡按說文繡玉  
經色也繡以毳爲繡色如蔓蔓禾之赤苗也二字  
音同義近古或通借

舟部

明堂月令曰舫人 月令六月命漁師鄭注今月令  
漁師爲舫人疑舫人卽舫人

方部

禮天子造舟諸侯維舟大夫方舟士特舟 爾雅釋

水

見部

爾雅曰覲髣弗離 釋詁今本弗作弗疑此誤

春秋傳曰公使人覲之信 左傳成十七年

春秋公羊傳曰覲然公子陽生 今公羊傳哀六年

作闐然按說文闐馬出門兒覲暫見也何休傳註

出頭兒二字音近義亦可通古或有此異本

欠部

孟子曰曾西欸然 今孟子作蹇六書正譌云蹇蹇

也欸欸然也隸用斃非

詩曰其歎也謨 今詩周南江汜作其嘯也歌按歎  
卽籀文嘯謨卽歌重文

春秋傳曰歆而忘 今左傳隱七年作歆如忘服虔  
曰如而也歆俗作歆

爾雅曰麇獬短脰 今爾雅釋獸作麇麇按獬乃牡  
豕非麇類疑此誤

詩曰吹求厥寧 今詩大雅文王有聲作適按朱傳  
適與聿同班固幽通賦吹中和爲庶幾顏與冉又  
不得師古曰吹古聿字

旡部

爾雅寇薄也徐鉉曰今隸書以爲亮字 今爾雅無  
此文按說文涼亦訓薄詩大雅涼彼武王韓詩作  
亮寇涼古字通

頁部

詩曰有頌其首 小雅魚藻

詩曰其大有口 小雅六月

詩曰有頌者弁 小雅頌弁

春秋傳曰迎于門者頌之而已 今左傳襄二十六  
年作頌之按說文頌低頭也頌面黃也傳云逆于  
竟者執其手而與之言道逆者自車揖之逆于門  
者頌之而已言逆者漸近不爲禮也杜註頌爲搖

其頭義與顙近顙顙形聲相近故誤正字通以今  
左傳爲是說文作顙爲非謬甚

楚詞曰天白顙顙 大招

詩所謂顙首 今詩無此文王伯厚詩攷謂卽衛風  
碩人螭首之異字

周禮數目顧脰 攷工梓人

春秋陳夏齧 春秋昭二十三年

商書曰率籲衆戚 盤庚今本戚作感義通

面部

詩曰有靦面目 小雅何人斯

𠂔部

詩曰參髮如雲 今詩鄘風君子偕老作鬢按鬢卽參重文

文部

易曰君子豹變其文斐也 今易革卦作蔚按斐蔚音近蔚本訓艸木盛皃因借爲文采深密皃故與斐通

髟部

春秋黑肱以濫來奔 春秋昭三十一年

詩曰其人美且鬣 齊風盧令

詩曰統彼兩髦或作髣 今詩鄘風柏舟作髣彼兩

髦按說文無髣字經典釋文云髣本又作伉兩髦

兒髦髻音義通詩小雅角弓如蠻如髦鄭箋曰髦  
西夷別名武王伐紂其等有八國從焉疏云牧誓  
云及庸蜀羌髻微盧彭濮彼髦此髦音義同也

禮女子髻衰弔則不髻魯臧武仲與齊戰於狐貍魯  
人迎喪者始髻儀禮士喪禮婦人髻于室又禮  
記檀弓魯婦人之髻而弔也自敗于臺貍始也鄭  
註臺當爲壺字之誤也春秋傳作狐時家家有喪  
髻而相弔

### 卮部

易曰君子節飲食 頤卦

### 卮部

虞書曰邶成五服 今書益稷作粥按說文邶粥音  
同義異玉篇以邶爲古文粥六書正譌云邶隸作  
粥古文尙書作邶

色部

論語曰色艷如也 今論語作勃按郭忠恕汗簡載  
艷字註出古論語疑古本如是開元改隸以後乃  
作勃也又詳艸部學註

辟部

周書曰我之不殛 今書金縢作辟音避按孔傳辟  
法也告召公太公言我不以法法三叔則我無以  
成周道告我先王釋文云馬鄭音避謂避居東都

今說文辨訓治也釋文引說文云必亦反法也與  
今本異疑今本蒙下文𡗗字訓治因誤辨註法亦  
爲治宜从釋文改正六書正譌云辨隸用辟古文尙書作辨  
虞書曰有能俾𡗗 今書堯典作乂六書正譌云𡗗  
通用乂古文尙書作𡗗

鬼部

周禮有赤魃氏詩曰旱魃爲虐 今周禮秋官作𡗗  
詩大雅雲漢按詩及山海經神異經皆作魃周禮  
赤𡗗氏掌除蟲豸自霾者註云赤𡗗猶言抃拔也  
義不與旱魃同設官之名亦不宜用魃也

韓詩傳曰鄭交甫逢二女魃服 外傳

淮南傳曰吳人鬼越人鸞 淮南鴻烈吳今作荆  
詩受福不難 今詩小雅桑扈作那按毛詩古音攷  
猗那音阿那張衡南都賦阿那蓊茸音義同難

厶部

韓非曰蒼頡作字自營爲厶 韓子五蠹篇營今作  
環

山部

詩蔦與女蘿 小雅頍弁

夏書曰嶧陽孤桐 禹貢

詩曰陟彼岵兮 魏風陟岵

詩曰陟彼屺兮 同上

詩曰陟彼岵矣 周南卷耳

岵部

虞書曰予取兪山 書益稷作娶于塗山按古文尙書作兪

𠂔部

周禮曰夏庠馬 夏官圉師

周禮曰馬政二百十四匹爲廐廐有僕夫 按周禮夏官校人三乘爲皐皐一趣馬三皐爲繫繫一馭夫六繫爲廐廐一僕夫自乘至廐其數二百一十六匹易乾爲馬此應乾之策也徐曰此言十四傳寫譌也

春秋國語曰俠溝而彫我 今吳語作夾按儀禮士  
喪禮婦人俠牀東西公羊傳哀四年註滕薛俠轂  
俠竝與夾同

詩曰召伯所庥 今詩召南甘棠作茇按說文庥舍  
也茇艸根也詩傳茇草舍也與說文畧同二字形  
相近義亦可通

周禮曰牛夜鳴則廋 天官內饗

厂部

詩曰他山之石可以爲厝 今詩小雅鶴鳴作錯按  
厝錯音近義別毛傳訓錯爲石蓋亦用厝訓也徐  
曰今詩借作錯前漢書地里志五方雜厝註晉灼

曰厝古錯字五經文字云厝見詩詩又作錯

石部

周禮有圻人 地官

夏書曰梁州貢磬丹春秋國語曰肅慎氏貢楛矢石  
磬 按禹貢荊州貢磬丹梁州貢磬磬此有誤字  
下見魯語

春秋傳曰鄭公孫碭字子石 今左傳襄二十七年  
作段按傳註二子石謂印段公孫段也皆字子石  
則皆當作碭其作段者譌省也經典釋文于此無  
音而字作段誤

春秋傳曰闕瑁之甲 今左傳昭十五年作鞞按瑁

形聲相近古通用

春秋傳曰碩石於宋五 今左傳僖十六年作隕按  
公羊傳作實說文碩落也隕从高下也實雨也三  
字音同義近當是一字重文

周書曰畏于民喁 召誥按困學紀聞引說文作用  
顧畏于民喁喁多言也尼輒切

周禮曰有哲蒞氏 秋官

而部

周禮曰作其鱗之而 攷工記梓人

豕部

詩曰一發五豝 召南騶虞一今作壹

詩曰竝驅從兩駟兮 今詩齊風還作肩按說文駟  
訓三歲豕肩相及者故遂借用肩韓詩亦作肩  
春秋傳曰生敖及殫 今左傳襄四年作生澆及殫  
按釋文澆五弔反帝王世紀作昇澆昇敖音同  
周書曰獬有爪而不敢以擻 逸周書周祝解今本  
獬作獬爪作蚤集韻云獬本作獬五經文字云蚤  
又音爪正韻蚤與爪通

帛部

虞書曰黜類于上帝 今書舜典作肆按肆本作肆  
古文作黜

豸部

詩曰獻其貔皮周書曰如虎如貔 詩大雅韓奕書  
牧誓

論語曰狐貉之厚以居 今論語作貉按說文貉似  
狐善睡下各切貉北方豸種莫白切今隸書以貉  
爲狐貉字讀下各切別增貉爲蠻貉字讀莫白切  
屏貉不用相沿積習莫之能正

詩曰宜狝宜獄 今詩小雅小宛作岸毛傳岸訟也  
經典釋文云韋昭注漢書同韓詩作狝音同云鄉  
亭之繫曰狝朝廷曰獄後漢書崔駰傳獄狝填滿  
狝卽獄也狝岸音同故借

孔子曰貉之爲言惡也 無攷

馬部

詩曰駉彼乘駟 魯頌有駉

詩曰有駟有駉 魯頌駟

詩曰有駟有駉 今詩魯頌駟作皇按爾雅釋畜黃

白驤郭註引詩曰驤駉其馬今幽風東山詩亦作

皇从省也

詩曰駟鐵孔阜 秦風駟鐵

易曰爲駉頤 今易說卦傳作的按說文駉馬白頤

也爾雅釋畜駉頤白顛因音借用的隸譌作的詳

前日部的註

司馬法曰駉衛斯興 無攷

詩曰我馬維驕 今詩無此文按小雅皇皇者華篇  
有我馬維駒經典釋文云駒本亦作驕蓋驕本有  
居音也

詩曰駮牝驪牡 今詩無此文按此乃爾雅釋畜語  
也或因詩駮牝三千句誤引

春秋傳曰馮馬百駟 今左傳宣二年作文說文長  
箋曰省也

詩曰有駮有駮 魯頌有駮

詩曰四牡駮駮 今詩無此文按駮孫氏古熒切音  
肩經典釋文于詩駮駮牡馬駮字下註云說文作  
駮

詩曰四牡騶騶 今詩小雅北山大雅烝民皆作彭  
彭按詩用彭彭者不一皆借音也

詩曰四牡騤騤 小雅采薇六月大雅桑柔烝民  
詩曰載驟騶騶 小雅四牡隸省作騶

爾雅小山駮大山峒 今爾雅釋山作岵按說文引  
經本作岵傳寫誤作駮也

詩曰昆夷駮矣 大雅綿之篇今本作混經典釋文  
云混音昆

易曰乘馬驢如 今易屯卦作班如按說文驢駮驢  
也義與屯遁同當是引屯如遁如作駮如驢如而  
誤引下句也

春秋傳曰韓厥執鬻馬前或作繫 左傳成二年今

用重文

詩曰在駟之野 今詩魯頌駟作在坰之野按毛傳  
駟腹幹肥張兒林外謂之坰說文駟訓牧馬苑引  
詩在坰作在駟然不知于上文駟駟牡馬句更作  
何解疑有錯誤

犬部

孔子曰視犬之字如畫狗也 無攷

孔子曰狗叩也叩气吠以守 無攷

詩曰無使尫也吠 召南野有死麕

詩曰載獫狁獯爾雅曰短喙犬謂之獯獯 今詩秦

風駟鐵作馭驕經典釋文云馭又作獨驕本又作  
獶爾雅釋畜短喙獸獶

春秋傳曰公啖夫獶 左傳宣二年又見口部啖註  
詩曰廬獶獶 今詩齊風廬令作令令毛傳纓環聲  
韓詩作伶說文獶健也

周書曰尙狃狃 今書牧誓作桓桓古文尙書作狃  
按桓桓訓威武兒狃狗行也疑以音同通借

易曰明夷于南狩 明夷

春秋傳曰與犬犬獶或作獶 左傳僖四年今从重  
文

春秋傳曰狝犬入華臣氏之門 今左傳襄十七年

作瘈狗按瘈瘕小兒病也與狂犬義無涉前漢書  
五行志引傳文亦作猧

狻麈如猧貓食虎豹者見爾雅 釋獸

爾雅云獾父善顧 今爾雅釋獸作獾按說文獾獾  
音同義異廣韻獾同獾

爾雅曰獾獾似狸 釋獸

火部

詩曰王室如燬 今詩周南汝墳作燬按韓詩亦作  
燬說文燬燬音訓皆同當是一字重文

春秋傳曰衛侯燬 春秋僖二十五年經

周禮曰遂審其燬 今周禮春官蕤氏作猷按說文

鬻卽歛本字隸省作吹今說文韻譜本焮註誤分  
鬻爲炊龠三字長箋亦仍其誤說文繫傳註省作  
炊毛氏仿宋槧本鬻下其上誤空一字作一並非  
春秋傳曰燕僖負羈左傳僖二十八年下有氏字  
商書曰予亦炏謨今書盤庚作拙古文尙書作炏  
按炏火光也承上予若觀火而言古文當別有解  
詩曰烝之烇烇今詩大雅生民作浮浮按爾雅烇  
烇烝也鄭註浮烇音義同

詩曰我孔燼矣小雅楚茨隸省作燼

逸周書曰味辛而不爇無攷

詩曰多將熇熇大雅板

詩曰憂心𤇑𤇑 今詩無此文按小雅節南山憂心  
如惓經典釋文云韓詩作炎字書作焱說文作𤇑  
才廉反小𤇑也陳氏九經考異亦以𤇑𤇑句爲如  
惓句之異文然攷說文心部惓註引詩正作如惓  
則𤇑註所引非節南山文也

周禮曰以明火𤇑焦也 春官蕤人

春秋傳曰燁之以薪 左傳昭二十年

詩曰𤇑烘于𤇑 小雅白華

春秋傳曰龜𤇑不𤇑 今左傳哀二年作龜焦無不  
𤇑字按說文𤇑火所傷也重文作焦𤇑灼龜不𤇑  
也雖分訓義實可通九經字樣云𤇑說文焦隸省

周禮曰揉牙外不熯 今周禮攷工記作凡揉牙外  
不廉而內不挫鄭註揉謂以火槁之在上文揉輻  
必齊句下  
廉絕也說文揉屈伸木也熯火揉車綱絕也音同  
義近廉省揉借也

春秋傳曰煒燿天地 國語鄭語黎爲高辛氏火正  
以淳燿敦大天明地德疑許卽引此而譌爲傳耳  
淳淳蓋假借用之

周書曰焯見三有俊心 今周書立政作灼按說文  
焯訓明灼訓炙用焯于義爲當然今皆通用灼揚  
雄羽獵賦焯爍其陂註古灼字古文尙書作焯

詩曰熠燿宵行 爾風東山

詩曰燿燿震電 小雅十月之交

詩曰赫赫宗周褒氏威之 小雅正月

周禮曰司燿掌行火之政 夏官司燿政下有令字

呂不韋曰湯得伊尹燬以燿火爨以犧豕 呂氏春

秋

### 災部

爾雅曰地謂之黝 釋宮

易曰爲黔喙 說卦傳

易曰再三黷 今易蒙卦作瀆按說文褻黷字當用

黷五經文字云黷音瀆見商書按禮記及易竝作

瀆六書故云黷通作瀆非

焱部

詩曰莘莘征夫 今詩小雅皇華作駢駢按詩攷韓  
詩外傳國語竝同莘本說文作莘楚辭作僦皆以  
同聲相借也

炙部

春秋傳曰天子有事繡焉 左傳僖二十四年作膳  
赤部

詩曰魴魚漺尾或作頰 周南汝墳今从重文  
大部

詩施罟濊濊 今詩衛風碩人作濊濊按說文水部  
無濊字濊註引詩作濊鼠註眈註引詩皆與今本

同濊濊說文音訓皆異廣韻云濊同濊六書正譌云濊俗作濊濊乃濊之譌文也

詩載載大猷 今詩小雅巧言作秩秩按說文載註引詩本云載讀若秩秩大猷之秩誤蒙上載字遂書詩爲載載非必詩有此異文也

易曰後代聖人易之以書契 繫辭代今本作世

### 矢部

詩曰不吳不揚 魯頌泮水按說文吳訓姓也郡也又大言也皆五乎切徐鍇曰大言故矢口以出聲詩曰不吳不揚今寫詩者改吳作吳又音呼化切其謬甚矣通雅云鍇好鑿惟此爲正詩攷引說文

作吳誤

夭部

詩曰南有喬木 周南漢廣

壺部

易曰天地壹壹 今易繫辭作細緼經典釋文云本  
又作氤氲復古編作壹壹吉凶在壺中不得渫也  
別作細緼氤氲竝非按經書用字多有假借通用  
轉相沿習不知其本反成怪異如壹壹二字在易  
則作細緼氤氲班固典引作烟煴抱朴子作經緼  
魏大饗碑亦作烟煴魏元丕碑作壹緼形聲相近  
卽便引用初未暇論字義也

夬部

易曰夬升大吉 今易升卦作允按說文夬允音同  
義異集韻夬同允

周禮曰詔來鼓皋舞 春官樂師俗本作皋六書正  
譌云作皋非又鼓今本作瞽鄭司農曰瞽當爲鼓  
夬部

虞書曰若丹朱奭讀若傲論語曰奭盪舟 今書益  
稷作傲按說文𡗗註引春秋傳生敖及𡗗帝王世  
紀作奭奭傲義通古文尙書作奭

周書曰伯奭距古文囧字 今書作伯囧古文尙書  
作奭經典釋文云字亦作𡗗按說文有𡗗字形與

言子引經五 卷一  
三  
𦉰相近因譌爲𦉰𦉰訓驚視兒與𦉰音義皆遠釋  
文誤又按說文𦉰乖也孫氏居況切𦉰窓牖麗慶  
闡明也孫氏俱永切音義各別此云𦉰古𦉰字又  
引書伯𦉰作𦉰是𦉰𦉰𦉰實一字矣未知孰誤

### 六部

詩曰奕奕梁山 大雅韓奕

讀若易慮義氏詩曰不醉而怒謂之𦉰 易今作包  
犧氏顏氏家訓云孔子弟子慮子賤卽慮犧之後  
今兗州有子賤碑漢世所立乃云濟南伏生子賤  
之後知慮與伏古通漢書百官公卿表易敘宓義  
神農黃帝師古宓音伏字本作慮傳寫譌作宓耳

詩乃大雅蕩之篇毛傳今本巽省作巽

立部

春秋國語曰塽本肇末 齊語

逸周書有均匠 無攷

國語曰有司已事而竣 齊語

心部

司馬法曰忻民之善閉民之惡 無攷

易曰忼龍有悔 今易乾卦作亢九經字樣云上說

文下經典相承隸省

春秋傳曰昊天不憖又曰雨君之士皆未憖 今左

傳哀十六年作昊天不弔不憖遺一老下見文十

二年

司馬法曰有虞氏憾於中國 無攷

詩曰赫兮喧兮 今詩衛風淇奧作喧按說文喧喧音同義異古或通借韓詩作宣

唐書曰五品不憇 今虞書舜典作遜古文尙書作憇憇遜音義通虞誤作唐傳寫之譌

虞書曰剛而憲 今書臯陶謨作塞按憲塞音訓各別今經典皆通用塞說文憲實也于書義爲近

詩曰天命匪忱 今詩大雅蕩作謚詳前言部謚註詩曰能不我惱 今詩邶風谷風作不我能惱長箋云詞雖倒而義實通按毛傳惱養也鄭箋惱驕也

君子不以恩驕樂我反憎惡我說文情起也易能  
字于上或當時別有如此傳本義訓或異未可強  
同長箋說非

春秋傳曰以陳備三憲 今左傳襄二十五年作恪  
陳字屬上句徐鉉曰今俗作恪復古編曰俗作恪  
非說文長箋云恪鰭各去贅非俗也

春秋傳曰駟氏慄 今左傳昭十九年作聳按說文  
聳本作猥生而聳也慄懼也又慄驚也猥與慄遠  
慄與慄近因慄通慄因慄誤猥展轉相因本義盡  
失前漢書刑法志引左傳昭六年聳之以行作慄  
猶存古意說文慄原从雙省聲

詩曰憂心且忡 今詩小雅鼓鍾作妯按說文忡朗也玉篇憂恐也正字通曰朗亦寓憂意猶詩小雅無思百憂不出于頰之義頰與耿同小明也在憂中耿耿不能出也朗耿義通今詩用妯于義無可假借當以形近致誤

周書曰在受德忒 今書立政作其在受德瞽古文尙書作忒按說文忒強也敗彊也二字義同音亦相近敗瞽音同形近古或通借

虞書曰時惟懋哉 舜典今作惟時

詩曰厭厭夜飲 今詩小雅湛露作厭厭按說文厭安也厭筴也厭飽也三字音同義別今皆通用厭

又韓詩作惜惜

爾雅曰懽懽惓惓憂無詰也 釋訓

詩曰惓如朝飢 今詩周南汝墳作調經典釋文云  
又作輶韓詩惓作輶

詩曰相時憇民 今詩無此文按商書盤庚相時憇  
民古文尙書作思疑誤書爲詩也

周書曰有疾不念 今書金縢作王有疾弗豫古文  
尙書作念音同故借

論語曰私覲愉愉如也 按何晏論語集解愉愉顏  
色和也說文愉薄也而引論語此文爲不可解按  
禮人臣从君朝覲則不敢私覲以君命聘則公事

畢以其私請見謂之私覲私覲亦有餽遺故禮郊  
特牲曰朝覲大夫之私覲非禮也大夫執圭而使  
所以申信也不敢私覲所以致敬也而庭實私覲  
何爲乎諸侯之庭又云相覲以貨相賂以利而天  
下之禮亂矣蓋當時私覲之禮過厚故夫子譏之  
愉愉者薄于享禮之物云耳說文之解論語義或  
如此

商書曰以相陵憊 今書無此文

春秋傳曰執玉惰或省作惰 左傳僖十一年今从  
重文

孟子曰孝子之心不若是忤 今孟子作忤六書正

譌云怱俗念字

春秋傳有孔悝 左傳哀十五年

商書曰今女懃懃古文作鐸 今書盤庚作聒聒古文尙書作懃按說文聒懃音同義別今本因古文从耳故省作聒隸又省作聒又今本說文懃善自用之意經典釋文云馬及說文皆作拒善自用之意增此一字于義爲長

春秋傳曰怱歲而漱日 今左傳昭元年作翫歲而愒日按說文習部翫註引此作翫愒經典釋文云翫又作玩正韻云翫玩怱音義通又說文漱欲飲也與玩愒義遠傳寫譌誤

詩曰以謹惓惓 大雅民勞

春秋傳曰王室日瘵瘵焉 今左傳昭二十四年作

今王室實蠹蠹焉按說文瘵亂也蠹蟲動也音同

義別然于蠹註引周書我有載

古文蠹

于西今書無

此文疑卽大誥有大艱于西土西土人亦不靜越  
茲蠹之異文則蠹瘵義亦可通

周書曰凡民罔弗慙 今書康誥無凡民字此與孟

子所引正同知古本如此也今孟子慙作讞

詩曰視我忼忼 今詩小雅白華作邁邁按韓詩亦

作忼忼正字通據今本譏說文引詩無稽是未攷

經典釋文也

詩曰愔我寤歎 曹風下泉

詩曰念子懆懆 小雅白華

詩曰信誓旦旦 今詩衛風氓作旦旦按詩旦旦叶上晏泮下反集傳曰明也說文旦爲旦字重文僭也孫氏當割切音義與詩不合疑當時有此異本仍借旦作旦不从旦字音訓也

孝經曰哭不愔 今孝經喪親章作愔按禮雜記童子哭不偯閒傳大功之喪三曲而偯經典釋文皆云說文作愔

詩曰惴惴其栗 秦風黃鳥

詩曰憂心忉忉 小雅頍弁

說文引經攷

卷下

三

詩曰憂心如惓 小雅節南山

詩曰憂心儼儼 召南草蟲

讀與易萃卦同 此讀悴音同萃

詩曰憂心忡忡 召南草蟲

詩曰憂心悄悄 邶風柏舟

周書曰來就憇憇 今周書無此文

易曰泣涕漣如 今易屯卦作泣血漣如按說文漣

泣下也漣爲瀾字重文音義皆別

詩曰憬彼淮夷 魯頌泮水又詳前瞿部矍註

心部

易旅瑱瑱 旅卦

水部 遺荷字補見後

爾雅曰西至汎國謂四極 今爾雅釋地作邠因學  
紀聞曰朱文公曰邠國近在秦隴非絕遠之地愚  
按說文引爾雅西至汎國謂四極汎四極之水也  
汎府切卽此可證爾雅之誤經典釋文云說文作汾  
非

夏書以爲出鳥鼠山雒州之浸也 書禹貢導渭自

鳥鼠同穴周禮夏官職方氏雍州其浸渭洛

春秋傳曰脩涂梁澐 今左傳莊四年作除道梁澐

按涂卽道也周禮灋上有涂涂容乘車一軌爾雅  
路旅涂也除道卽脩涂義但不知何時有此異本

詩曰澮與洧方渙渙兮 今詩鄭風作溱按水經澮  
水出鄭縣西北平地酈道元注引國語史伯答桓  
公曰君以成周之衆奉辭伐罪若克虢鄆君之土  
也如前莘後河左洛右濟王不驪而食澮洧循典  
刑以守之可以少固卽謂此矣又注云澮水又南  
懸流奔壑崩注丈餘其下積水成潭廣四十許步  
淵深難測又南注于洧詩所謂溱與洧者也今本  
國語亦作溱說文溱出桂陽臨武入滙或作澮與  
洧近溱與洧遠二水井稱理宜作澮不如何時譌  
而爲溱酈氏時國語尙作澮字而詩已爲溱觀其  
所引二書各從本字可見說文所引猶爲舊本也

韓詩亦作溱

春秋傳曰公會齊侯于濼 春秋桓十八年經

夏書曰濼溜其道 禹貢

爾雅曰小州曰渚 今爾雅釋水作小洲曰階經典  
釋文曰字又作渚本或直作小洲曰渚又說文水  
中可居曰州徐鉉曰今別作洲非

詩曰江有渚 今詩召南作汜按說文汜註亦引此  
詩作汜徐鉉曰蓋或體也朱謀埠輯古文奇字云  
渚古文汜

爾雅曰汝爲涓 今爾雅釋水作汝爲瀆經典釋文  
云字林作涓工玄反衆爾雅本亦作涓

詩曰風雨淅淅 今詩無此文按鄭風有風雨淅淅  
雞鳴喈喈小雅有淮水淅淅之文或卽此二詩誤  
引或逸詩也

詩曰澆池北流 今詩小雅白華作漉按說文澆本  
从彪省隸不省也

詩曰施罟濊濊 今詩衛風碩人作濊濊詳前大部  
廢註

虞書曰洪水浩浩 今書無此文疑卽堯典湯湯洪  
水方割蕩蕩懷山襄陵浩浩滔天之文而有所割  
裂脫誤也

詩曰有沔有潰 邶風谷風

詩曰河水清且淪漪 魏風伐檀今本漪作猗按說  
文無漪字廣韻水文初學記水波如錦文曰漪爾  
雅釋水引詩亦作漪邢疏辭也然詩上下文皆用  
兮字此三句獨用漪蓋與淪漣竝言水波旋轉之  
狀不當註爲語辭與兮字一例也今本作猗乃从  
漪字譌省與書之斷斷猗莊子之而我猶爲人猗  
猗同兮者有別

詩曰威弗濫泉 今詩小雅采菽大雅瞻仰皆作檻  
按爾雅釋水濫泉正出與說文同今本作檻因形  
聲相近而譌李巡云濫檻音義同非

易曰井渌寒泉食 井卦隸省作洌

詩曰湜湜其止 邛風谷風止今作泄

詩曰有漙者淵 小雅小弁

爾雅曰泉一見一否爲灇 釋水

五行傳曰若其沚作 其當作六洪範五行傳若六  
沚作

詩曰啟彼淮瀆 今詩無此文詩攷以爲卽大雅鋪  
敦淮瀆之異文

周書曰王出涘 今書無此文

爾雅曰水醮曰沚 今爾雅釋水作屠按說文屠仄  
出泉也爾雅作沚泉穴出仄出也兩字互用  
未知孰是詩小雅大東有洌沚泉傳从爾雅

詩曰真之河之清 魏風伐檀句未有兮字

詩曰于沼于沚 召南采蘋

詩曰鳬鷖在梁 大雅鳬鷖

詩曰江有汜 召南又見本部源註

論語曰盡力于溝洫 今本于作乎

詩曰鴻其乾矣或作灘 今詩王風中谷有蕓作曠

按灘曠音近从曠義長

詩曰蒸然汕汕 小雅南有嘉魚今本蒸作烝

夏書曰過三澨 禹貢

春秋傳曰王沿夏 左傳昭十三年

詩曰浚則砮或作瀾 今詩邶風匏有苦葉作厲从

重文瀟省也六書正譌云通用厲非韓詩作厲

詩曰有滄淒淒 今詩小雅作萋萋按韓詩呂覽漢書凡引此詩皆作淒淒萋以音同形近致誤

詩曰終風且暴 今詩邶風終風作暴按毛傳暴疾也鄭箋既終日風矣而又暴疾暴仍屬風言說文暴疾雨也引詩作暴謂既終日風而且加之疾雨也如此且字方有著落况下章終風且霾謂既風而且雨土也終風且曠謂既風而且不見日也皆作兩層叠下首章何獨不然

詩曰僭始既涵 小雅巧言隸省作涵按涵本从函復古編云俗作函鉤函竝非

詩曰既漚既漚 今詩小雅信南山作優按說文漚  
澤多也優饒也倡也音同義別然澤多優饒義亦  
可通

詩曰零露漙漙 小雅蓼蕭

周禮曰石有時而泐 攷工記今本而作以

詩曰汔可小康 大雅民勞隸省作汔

詩曰河水浼浼 孟子曰汝安能浼我 邶風新臺今  
孟子汝作爾安作焉音義皆通

春秋傳曰晏子之宅湫隘 左傳昭三年

爾雅曰澮大出尾下 釋水

周禮曰以說漚其絲 攷工記挀人今本說下有水

字

孟子曰夫子去齊澆浙而行 今孟子作接浙按說  
文澆澆乾漬米也孫氏其兩切今本字異而義同  
困學紀聞曰異聞集李吉甫銘曰孟子去齊而澆  
浙本許氏語今孟子作接字殊無理

夏書天用勦絕 甘誓此脫其命二字又見前刀部  
剡註

詩曰有酒湑我又曰零露湑兮 小雅伐木蓼蕭  
周書曰罔敢湏于酒 酒誥

爾雅大歲在申曰涒灘 釋天

春秋傳曰猶拾瀋也 左傳哀三年

詩曰潛焉出涕 小雅大東

く部

周禮匠人爲溝血耜廣五寸二耜爲耦一耦之伐廣  
尺深尺謂之く倍く謂之遂倍遂曰溝倍溝曰洫  
倍洫曰く古文作𠂔篆文作𠂔 攷工記今本く  
作𠂔く作澮耜作耜按說文く古文作𠂔𠂔譌省  
作𠂔經典釋文云𠂔與𠂔同正韻云𠂔亦作𠂔皆  
非六書正譌云く隸作澮說文耜耜也徐鉉曰俗  
作耜

川部

虞書曰濬くく距川 今虞書益稷作𠂔澮古文尙

書作くく詳上く部く註又見谷部容註

易曰包荒用馮河 今易泰卦作荒釋文云本亦作  
荒六書正譌云別作荒非

春秋傳曰川離爲澤凶 左傳宣十二年今本無凶  
字離从俗作壘

論語曰子路侃侃如也 今先進篇作子路行行如  
也冉有子貢侃侃如也此誤

詩曰在河之州 今詩周南關雎作洲按州本从重  
川復加水贅矣徐鉉曰今別作洲非

永部

詩曰江之永矣 周南廣漢

詩曰江之蓂矣 今詩周南漢廣作永按永下亦引  
此詩作永詩攷載韓詩作漾唐韻正曰永音于兩  
反詩漢廣廣泳永方同爲一韻說文引此詩作蓂  
楊慎曰古字蓂與永同釋詩江之永矣作江之蓂  
矣博古圖永寶用盲作蓂寶用盲楷按永蓂聲義  
皆近故可通用說文兩引此詩當時原有此二本  
也韓詩一作漾一作蓂未知孰是

谷部

虞書曰畚畎澮距川古文作澮 虞書益稷又詳前  
川部川註今从古文

欠部

詩曰納于膝陰或作淩 幽風七月今从重文

## 雨部

春秋傳曰震夷伯之廟 春秋僖十五年經

詩曰霡雨其濛 今詩幽風東山作零按說文霡訓

雨零零訓餘雨孫氏音切皆同石鼓文霡雨奔流

亦同說文作霡霡零一字重文也又詩鄘風定之

方中作靈雨靈卽霡之譌鄭箋以靈雨爲善雨誤

明堂月令曰霰雨 今禮記月令作淫雨早降鄭註

曰淫霖也今月令作衆雨字彙補曰陳士元韻註

云禮記淫雨早降淫古月令作霖淫霖音近霖衆

形近鄭註之衆必霖字之訛今攷說文乃復作霖

鄭註之衆乃从霰省非霰之訛然以說文訓詁推之霰爲小雨霰爲霖雨則月令从霰爲是

詩曰終風且霾 邶風終風

春秋傳墊阨 今左傳成六年作墊隘按說文墊註

亦引此文作隘隘阨二字古通玉篇阨

卽阨本字

同隘

集韻隘或作阨戰國策太子辭于齊王而歸齊王隘之又寡人之所以閉關不通使者爲中山之獨與燕趙爲主而寡人不與聞焉是以隘之註隘不通也讀作阨

易曰雲上于天需 需卦

魚部

周禮春獻王鮪 天官獻人

周禮謂之鮪 無攷

傳曰伯牙鼓琴鱣魚出聽

春秋傳曰取其鱣鮪或作鮪 左傳宣十二年今从

重文

周禮曰膳膏臊 今周禮天官庖人作臊按臊訓豕  
膏臭臊訓腥臭音同義亦可通

乙部

明堂月令亥鳥至之日祠于高禩以請子 月令仲

春之月

至部

周書曰有夏氏之民叨瑩讀若摯 今周書多方作  
亦惟有夏之民叨憤日欽按說文無憤字瑩訓忿  
戾與憤義同

門部

周禮五家爲比五比爲閭 地官大司徒

詩曰出其閭闔 鄭風東門

論語曰行不履閭

虞書曰闢四門 舜典

國語曰闔門而與之言 魯語又見下闕註

易曰闢幽 繫辭

春秋傳曰闔門而與之言 按闔註引國語闔門而

與之言閼註又引春秋傳作閼今三傳皆無此文  
闔訓闔門閼訓閉門疑閼註誤引

耳部

春秋傳曰秦公子輒者其耳下垂故以爲字 按左  
傳鄭有公孫輒字子耳此作秦誤

詩曰士之耽兮 衛風氓

司馬法曰小罪眚中皐別大皐到 無攷

春秋傳曰以爲俘職或作馘 左傳成三年今从重  
文字林云截耳則从耳獻首則从首又見前人部  
俘註

月令靡草 月令孟夏之月靡草死

國語曰同祿信于聆遂 周語

手部

詩曰攴攴女手 今詩魏風葛屨作摻摻按說文無  
摻字韓詩作纖毛傳訓摻摻爲纖纖摻纖皆攴之  
譌也又攴摻義雖近攴音則爲衫今皆讀爲纖矣  
周禮曰輻欲其掣 攷工記輪人

周書曰師乃摺詩曰左旋右摺 今周書無此文詩  
鄭風清人篇作抽按說文摺拔兵刃以習擊刺也  
毛傳抽抽矢以射也鄭箋抽刀也字別義同毛詩  
古音考据滔摺二文吳棫載尤韻說文摺从手省  
聲抽摺文相似定摺音由合抽摺爲一不知古韻

蕭豪尤侯原可相通𠂔字雖音以沼切而說文引詩或春或掄作或春或𠂔則𠂔原有由音𠂔旣从𠂔亦讀由音原無不可不必援滔恹二字爲例然後𠂔可讀由也但𠂔字雖可讀由不必卽是抽字抽𠂔字畫各異難可合一古經傳本各有異同其字之音義相近者輒相通借必謂𠂔卽爲抽未是通論況此詩上句駟介陶陶下句中軍作好卽讀𠂔爲他刀切亦無不叶不必定改音由然後入韻也

春秋傳曰授衛侯之手 左傳定八年

詩曰莫捫朕舌 大雅抑

詩曰控于大邦 鄘風載馳

詩曰蟬螻在東 今詩鄘風作蝮螻按爾雅釋天亦作蟬唐韻蝮同蟬

春秋傳曰攢瀆鬼神 今左傳昭二十六年作貫九經字樣曰攢隸作貫

國語曰卻至挑天 今周語作佻按荀子其服不挑註與佻同

詩曰百祿是拏 今詩商頌長發作適按說文適迫也拏束也又拏聚也經典釋文訓適爲聚適拏形近拏拏義近古或通借

春秋傳曰扞子辱矣 今左傳成二年作隕按說文

扞有所失也隕从高下也音近義通戰國策寡人愚陋守齊國惟恐夫扞之註扞與隕同

詩曰助我舉捰 今詩小雅車攻作柴按說文捰積也言所獲之禽也朱傳亦云柴說文作捰蓋以柴無恣音柴捰形近傳寫譌誤正字通不攷字義反謂詩本作柴說文誤作捰謬甚

春秋傳曰尾大不掉 左傳昭十一年

詩赤鳥擊擊 今詩幽風狼跋作几几按說文已部𠂔註亦引此詩作已已擊𠂔音近几已音近擊無几音𠂔無已音疑有譌錯未可強通

春秋傳曰掀公出于淖 左傳成十六年今本公下

有以字

易曰拊馬壯吉 今易明夷渙卦皆作拯經典釋文  
云子夏作拊徐鉉曰今俗別作拯非是又見車部  
輦註

周禮六曰擣祭 春官太祝

春秋傳曰擣甲執兵 左傳成二年

楚詞曰朝擣批之木蘭 今離騷經作搴批按搴卽  
擣之省廣韻批山在南楚批疑誤

詩曰祗攬我心 小雅彼何人斯

周書曰盡執柯 今周書酒誥作拘按說文柯擣也  
與拘義不近周書盡執拘以歸于周亦不得用柯

疑以形近誤引

易筮再扐而後卦

今易繫辭作卦按易乾卦疏引

易緯曰卦者掛也卦掛音義原通又大玄作挂說

文挂畫也

詩曰掄之頤頤

大雅縣

詩曰子手拮据

幽風鴟鴞

詩曰概之釜鬻

今詩檜風匪風作概經典釋文云

本又作漑按說文概滌也漑水名又灌注也音同

義別周禮天官世婦帥女官而濯概爲盥盛儀禮

少牢饋食禮雍人概鼎廩人概甑皆同說文作概

漑乃概之譌也

詩曰穫之捭捭 周頌良耜

周書曰廬以記之 今虞書益稷作達按廬卽撻之

### 古文

國語曰有捲勇 今齊語作拳按說文拳手卷也捲  
氣勢也一曰捲收也音義皆通史記孫子傳解雜  
亂紛糾者不控捲註捲卽拳也詩小雅無拳無勇  
註力也

鏗爾舍瑟而作 論語又見車部輶註

周禮曰箝魚鼈 天官鼈人

周禮上臯桔拳而桎 秋官掌囚

春秋傳曰賓將擷 左傳昭二十年

詩曰抑釋擗忌 鄭風大叔于田

春秋傳曰齊侯來獻戎捷 左傳莊三十一年

詩曰束矢其搜 魯頌泮水隸變作搜

女部

春秋傳曰天子因生以賜姓 左傳隱八年

春秋傳曰商有妣邳 左傳昭元年

商書曰無有作攷 今周書洪範作好按說文好上聲攷去聲復古編以攷爲攷惡以好爲美好通雅曰攷乃好之譌好卽好也古文好旁从卮卮譌爲丑也

禮娶婦以昏時 儀禮士昏禮註

春秋傳曰后緡方娠 左傳哀元年

周書曰至于嫺婦 今書梓材作屬婦傳言人之寡弱者敬哀之婦之窮獨者聯屬之說文嫺婦人妊身也與今傳不合然此篇文義多難強通古今異本存而勿論可也

公羊傳曰楚王之妻嫺 桓二年

易曰匪寇婚媾 屯卦

周禮曰其奴男子入于皐隸女子入于春櫜 秋官司厲

甘氏星經曰太白上公妻曰女嫺女嫺居南斗食厲天下祭之曰明星 未詳

詩曰有娥方將 商頌長發

楚詞曰女嬃之嬋媛 離騷經

春秋傳曰嬖人嫺始 左傳昭七年

詩曰靜女其娈 今詩邶風靜女作姝詳前衣部秣

註

詩曰婉兮嬋兮 今詩齊風甫田曹風候人皆作嬋

按說文嬋嬋分訓孫氏皆音力沅切徐鉉于嬋字  
下註云說文舊于嬋字下重出此字蓋嬋嬋音同  
義近原屬一字重文故嬋下有嬋非重出也

春秋傳曰太子痤婉 左傳襄二十六年按傳曰生  
佐惡而婉太子痤美而很婉字在上句此誤

春秋傳曰嬖嬖在疚 左傳哀十六年又詳前六部

欠註

孟子曰舜爲天子二女嫫 今孟子作果按趙岐註  
果侍也與說文嫫註同疑本作嫫傳寫省作果也  
詩糾糾葛屨 魏風

周書曰大命不弔一曰虞書雉弔 今商書西伯戡  
黎作摯經典釋文云本又作藝虞書舜典五玉三  
帛二生一死藝經典釋文云本又作摯按說文藝  
至也摯握持也今經典相承懇藝字改用摯執摯  
字兼用摯屏藝不用周書宜从說文作藝虞書不  
當用藝譌文也

詩曰以晏父母 今詩無此文

詩曰市也娵娵 今詩陳風東門作婆徐鉉曰今俗

作婆非是

詩曰屢舞娵娵 今詩小雅賓筵有屢舞僊僊屢舞  
飲飲屢舞僊僊三語而無此文說文人部飲僊二  
註各引小雅無異娵與遷幡不叶亦非僊僊異文  
也說文長箋云小雅有屢舞僊僊大雅有屢舞娵  
娵疑卽一詩異用今大雅并無屢舞娵娵一語長  
箋妄說也

詩曰邦之媛兮 鄘風君子偕老

詩曰桃之娵娵 今詩周南桃夭作天天按娵今省

作妖說文巧也一曰女子笑兒子詩義亦通又說文引詩一作杕杕詳前木部杕註

春秋傳曰叔孫婼 左傳昭公七年經文作舍

楚詞曰鮀婼直 離騷經

詩曰碩大且嬀 今詩陳風澤陂作儼按韓詩亦作嬀薛君章句曰重頤也

詩曰嬀兮蔚兮 今詩曹風候人作薈按說文薈艸多兒嬀女黑色也音雖相通義難假借薈註亦引此詩作薈不誤此引作嬀非說文長箋云疑是一字重文亦非

論語曰小人窮斯濫矣 今論語作濫按說文濫過

差也濫犯也音同義亦可通然論語用熅於義爲  
順廣韻云今俗用濫

氏部

揚雄賦響若氏隤 今漢書揚雄傳解嘲作氏隤按  
說文氏巴蜀山名岸脅之旁箸欲落墮者曰氏氏  
崩聞數百里玉篇解與說文同又元包經云剝尸  
氏于陵傳曰山崩于地也註尸音蔡氏音支巴蜀  
謂山欲墮者爲氏義亦與說文玉篇同今漢書或  
从亾作氏集韻氏註引說文氏訓是以氏氏爲一  
字也一本作氏師古曰丁禮切蜀人名山旁堆欲  
墮落曰氏合氏氏爲一然說文氏字別訓陵阪與

氏字音義迥異誤合爲一今正字通據漢書作阨  
師古註丁禮切反訾說文玉篇集韻爲非不知丁  
禮切乃阨字本音但訓陵阪不訓山墮因阨阨形  
近未加詳攷故混阨爲氏耳近氏字爲姓氏義所  
專不復知其本義瞥見說文宜生驚詫也

戈部

周制侍臣執戣立于東垂 顧命

周禮戟長丈六尺 攷工記戣長尋有四尺車戟常  
崇于戣四尺

商書曰西伯伐黎 今書作戡按說文邑部𠂔註亦  
引此書作戡戡刺也伐殺也音義皆同當是一字

重文又按爾雅郭璞註引書作堪黎漢書五行志  
王心弗伐孟康曰古堪字書君夷惟時二人弗戡  
註我二人將弗堪勝三字古多通用

春秋傳有擣戴 左傳文十八年今本擣作擣

詩曰實始戢商 今詩魯頌作剪按說文荆齊斷也

隸作剪翮羽生也隸作剪二字音同義別詩傳訓

翦爲斷當是字本作剪因形近譌翦也說文戢訓

滅與剪義通去翦遠矣聞人氏謂戢與翦同非

詩傳小雅天保篇戢  
穀註引聞人氏此語

詩曰擣擣女手 今詩魏風葛屨作摻詳前手部擣

註

楚武王曰夫武定功戢兵故止戈爲武 左傳宣十

二年

詩曰載戢干戈 周頌時邁

周書曰茭茭巧言 今書無此文

戊部

司馬法曰夏執玄戊殷執白戚周左仗黃戊右秉白  
髦 無攷今周書牧誓作白旄

我部

墨翟書義从弗魏郡有蕘陽鄉 按蕘卽義字重文

今墨子皆作義

匸部

國語曰兵不解醫 今齊語作翳韋昭註所以蔽兵也說文醫盛弓弩矢器按傳云甲不解纍兵不解翳弣無弓服無矢隱武事行文道帥諸侯而朝天子言桓公不用兵革而霸業成也韋註纍所以盛甲弣弓衣服矢服合纍與弣與服求之則翳亦爲盛兵之器無疑字本作医医翳聲近故相通借方言翳掩也韋註蔽兵之義本此然與上下文義不類當从說文改正

匸部

逸周書曰實玄黃于匪 今周書武成作篚按說文匪器如竹篋玉篇竹器方曰匪後人乃加竹作篚

專以匪訓非又徐仲山尙書日記曰漢魏儒者皆  
不見古文故趙岐註孟子鄭康成註禮記韋昭註  
國語杜預註左傳其于引古文尙書之文皆註曰  
逸書蓋漢人功令極嚴凡古學今學必立學官以  
主之射策勸祿皆在此數出此者卽謂之逸以逸  
于學官外也今文立學稱尙書古文不立學卽稱  
逸書故宋洪邁曰孔安國尙書自漢以來不立于  
學官故左傳所引杜氏輒註爲逸書以是也說文  
匪註引武成文武成乃古文故許氏亦註爲逸然  
說文所引逸周書甚多如禘下引士分民之禘騂  
下引不卵不蹊以成鳥獸侑下引朕實不明以侑

伯父繆下引味辛而不繆拘下引有均匠皆云逸  
周書而古文皆無有宄下引說命若藥不昞眩矍  
下引說命序彜下引伯彜皆係古文又皆不云逸  
何也

周禮曰祭祀共匱主 春官司巫

瓦部

詩曰中唐有甃 陳風防有鵲巢

弓部

周禮天子六弓王弓弧弓以射甲革甚質夾弓庾弓  
以射干侯鳥獸唐弓大弓以授學射者 夏官司  
弓矢今本無天子字說文韻譜亦無有又今本甚

質作榘質鄭註樹榘以爲射正射甲與榘試弓習武也榘音斟習射木趺甚蓋榘之譌省又今本干侯作豸侯儀禮大射干五十鄭註干讀爲豸漢校官碑干侯用張豸亦作干

詩曰彤弓昭兮 小雅彤弓

周禮四弩夾弩庠弩唐弩大弩 夏官司弓矢

楚辭曰弓焉彈日 天問今本弓作羿詳下弓註

論語曰弓善斂 今論語作羿按說文弓帝嚳射官

夏少康滅之羿亦古諸侯也一日射師二字音義皆同疑卽一人但羿下从开不从升五經文字云隸省作羿

糸部

論語曰今也純儉 子罕篇

春秋傳有臧孫紇 襄四年

周書曰惟緇有稽 今書呂刑作惟貌有稽按薛季

宣書古文訓作緇緇貌音近義別不可強通古本

作緇當別有義同文舉要謂緇同貌須是因說文

引書作緇遂合緇貌爲一其實非也

商書曰有條而不紊 盤庚上

墨子禹葬會稽桐棺三寸葛以繡之 節葬篇繡今

作緇

詩曰不競不絀 商頌長發

詩曰素以爲絢兮 論語註曰逸詩或疑此卽衛風碩人篇語按碩人四章章七句不得此章獨增一句詩辭相同者往往多有此詩蓋不可詳矣

虞書曰山龍夔蟲作繪論語曰繪事後素 上益稷下八佾篇

詩曰縷兮斐兮成是貝錦 今詩小雅巷伯作萋按說文縷帛文兒斐分別文也廣韻云縷斐文章相錯兒萋訓艸盛義不相屬當由同音誤借

虞書丹朱如此 此說文絀註言虞書丹朱字作絀今本作朱書古文訓作絀按說文朱訓赤心木絀訓純赤音同義近原可相通絀字經典少見正字

通譏其加糸爲贅不知紅綠細緋諸字皆从糸絲亦其類何獨爲贅

春秋傳曰緡雲氏禮有緡緣 左傳文十八年緡緣無攷

詩曰縞衣縹巾或作綦 鄭風出其東門今从重文詩曰毳衣如綌 今詩王風大車作莢按說文綌帛騅色也徐鍇曰此帛色名染之如生莢色今人所染麥緣也莢卽刻之重文莢綌形聲相近義亦可通

詩曰素衣其紕 周頌絲衣今作絲

易繻有衣 今易旣濟以繻有衣褊爲句下繫註亦

引易此文作需有衣絮此脫絮彼誤需也

周禮曰絹寸 攷工記梓人

詩曰貝冑朱紱 魯頌闕官隸省作紱

論語曰結衣長短右袂 今論語作褻裘長按說文

結註闕訓語說文長箋云當卽褻字重文

春秋傳曰夜緇納師 左傳襄十九年

春秋傳曰可以稱旌旒乎 左傳哀二十三年今本

作繁

春秋傳曰臣負羈紲 今左傳僖二十四年作紲按

說文紲或作縶廣韻云亦作紲復古編云作紲非

今隸書泄亦作洩拙亦作拽皆諧曳聲也

春秋傳曰皆如挾纊 左傳宣十二年

易曰需有衣絮 今易既濟作縞有衣袷按說文縞

註亦引此文作縞疑此誤說文無袷字經典釋文

云袷說文作絮子夏作茹京作絮廣雅絮塞也與

易袷訓塞舟漏義同古今字也

詩曰蒙彼絢絺 鄘風君子偕老

禹貢玼珠 今書作蠙珠按說文蠙卽玼字重文經

典釋文云蠙字又作玼

春秋傳曰夷姜媼 左傳桓十六年

周禮六彝雞彝鳥彝黃彝虎彝蜼彝斚彝以待裸將

之禮 春官小宗伯并司尊彝今本裸作果鄭註

果讀爲裸

絲部

詩曰六轡如絲 小雅皇華

虫部

詩曰胡爲虺蜥 今詩小雅正月作虺蜴經典釋文云蜴字又作蜥蓋蜥蜴本一物聲亦相近故通

詩曰去其螟螣 今詩大雅大田作螟螣按說文螣訓神蛇音騰與螣音義各別經典釋文云螣又作蚩說文作螣螣螣小異聲皆可諧或唐本說文如是也陸璣詩疏云螣蝗也六書故云蚩又作螣混螣螣爲一皆非蓋螣轉平聲與螣相近故螣譌作

螾非可通也

詩曰蝓蝓者蜀 今詩豳風東山作蠋詩詁云蜀本从虫又加虫俗字也

明堂月令曰腐艸爲蠋 今禮記月令作螢按蠋螢音義各別此疑有誤

詩曰螟蠕有子蠕羸負之 今詩小雅小宛作螟蛉 蜾蠃按說文蠕爲螟蠕蛉爲蜻蛉音同義別然螟註亦書作螟蛉蠕蛉當是一字重文古鍾鼎銘有 霈始霈終卽令始令終霈令義通蜾卽蠕重文

詩曰五月鳴蜩 豳風七月

周禮蜡氏掌除鼬 秋官蜡氏今本說文韻譜無此

引經七字

國語曰木石之怪夔蜎蜎 魯語今作蜎按网卽罔  
本字又按史記孔子世家作罔聞左傳作罔兩徐  
鉉曰俗作蜎蜎皆非

明堂月令曰虹始見 月令季春之月

蝨部

周書曰我有載于西 今書無此文按載卽蠹字古  
文大誥有越茲蠹一語上文云有大艱于西土西  
土人亦不靜疑所引或爲此文而有脫誤也

蟲部

春秋傳曰皿蟲爲蠱淫溺之所生也 左傳昭元年

龜部

詩曰得此黿黿 今詩邶風新臺作戚施按說文黿  
黿蟾蜍也韓詩亦曰戚施蟾蜍喻醜惡字異義同  
黿音同施黿音蹇字典曰黿从龜从酉聲轉入有  
戚音重讀之戚又轉簇音也二字蓋同聲借用

二部

詩曰如月之恆 小雅天保

土部

國語曰天子居九垓之田 今楚語作天子之田九  
垓

尚書曰宅嵎夷 今書堯典作嵎夷按嵎嵎形聲皆

近古或通借經典釋文云尙書考靈曜及史記作  
禺鍤正義云今文夏戾之學作嶠鐵二字古本多  
異

周書武王與紂戰于毋野 今書武成牧誓俱作牧  
野古文尙書作塢六書統作塢說文註毋野朝歌  
南七十里地與牧音同古文今字異也

詩曰武王載坡 今詩商頌長發作旆按韓詩及荀  
子皆作發集韻云坡亦作發亦作發發卽發發之  
省說文引詩正與韓荀合然坡訓治也一曰雷土  
一曰塵兒與詩義不屬旆字在詩原轉入聲與鉞  
烈曷藥相叶讀與坡同故古本亦遂借用坡字

詩曰崇墉圻圻 今詩大雅皇矣作仡仡按說文圻  
牆高兒仡勇壯也詩宜作圻形聲相近譌作仡隸  
復省作仡

詩曰蜉蝣掘閱 今詩曹風蜉蝣作掘閱按掘掘音  
同形近古或通借

禮天子赤墀 未詳

春秋傳曰墊隘 左傳成六年襄九年二十五年詳  
前雨部霏註

詩曰宛在水中坻 秦風蒹葭

虞書曰龍朕聖讒說殄行 舜典

詩曰乘彼坭垣 衛風氓

虞書曰方命圯族 堯典

尙書曰鯀堙洪水 今書洪範作陜廣韻云陜同堙

復古編云別作陜堙非

詩曰塏塏其陰 今詩邶風終風作曠曠按韓詩作塏與說文同上章終風且曠謂旣風而陰不見日也此章塏塏其陰謂陰而塵晦也本各有義字形相近故蒙上文而誤

詩曰鸛鳴于垤 幽風東山又詳前萑部萑註

春秋傳曰朝而塏禮謂之封周官謂之窆虞書曰塏淫于家 今左傳昭十二年作塏集韻塏或作塏禮檀弓縣官而封殷旣封而弔釋文封彼驗反鄭

註云封當爲窆春秋傳作塋周禮地官遂人及窆

陳役鄭司農云禮記謂之封春秋謂之崩當是塋字之誤

塋封窆三字因聲借義皆謂喪葬下土也又虞書

益稷今作朋朋塋形近而音義各別疑有誤

周禮曰兆五帝于四郊今周禮春官小宗伯作兆

徐鉉曰假借也

### 田部

易曰不菑畲田无妄今無田字

詩曰天方薦瘝今詩小雅節南山作瘝按說文瘝

瘡也瘝殘田也詩傳瘝病也音義亦通

詩曰町疇鹿場今詩豳風東山作疇經典釋文云

本又作曠

力部

周書曰女勗毖殷獻臣 酒誥

周書曰用勗相我國家 立政

春秋傳曰勗敵之人 左傳僖二十三年

周書曰勗哉夫子 牧誓

詩云莫知我勗 小雅雨無正

春秋傳曰安用勗民 昭九年傳焉用速成其以勗

民也疑卽引此語

勗部

山海經曰惟號之山其風若勗 今山海經亦作協

詩文引經考 卷一  
集韻彙通協

金部

夏書曰梁州貢鏤 禹貢

詩曰哆兮侈兮 小雅巷伯

易謂之鉉禮謂之鼎 詳前口部鼎註

詩曰庠乃錢鏹 周頌臣工

周禮曰重三錡 攷工記冶氏

虞書曰罰百鍰 周書呂刑作虞誤

司馬法曰晨夜內鈹車 無攷

詩曰庠乃錢鏹 見上錢註

詩曰鐘鼓鏜鏜 今詩周頌執競作喤喤按喤小兒

泣聲也形聲相近誤借作隍

詩曰擊鼓其鏜 抑風擊鼓又詳前鼓部鑿註

春秋傳曰鑿而乘他車 今左傳昭二十六年作鑿  
經典釋文云按說文鑿一足行也鑿金聲也引傳  
謂鑿讀若鑿非謂鑿卽鑿也左傳因形聲相近誤  
足爲金九經字樣六書故正韻韻會小補皆誤合  
鑿鑿爲一

周書曰一人冕執銳 今書顧命作銳

詩曰召矛沃鏜 秦風小戎今本沃作鏜此疑傳寫  
脫誤或省鏜隸省作鏜

詩曰鑿聲鉞鉞 今詩小雅庭燎作噦噦采芣作嘒

嘒徐鉉曰今俗作鉞以鉞爲斧戊之戊非是按說  
文鉞車鑾聲也孫氏呼會切古音入聲月屑去聲  
卦隊原可相通詩中去入同韻者甚多制字諧聲  
亦同是理故戊雖讀越而轉去則可諧誨此鉞从  
戊聲而可音呼會切也但經典相承皆以鉞爲斧  
戊字而鑾聲之鉞皆固聲別借相沿旣久鉞之本  
聲本義亡矣徐氏旣未詳言而字書家專以戊聲  
不可諧誨讀攻許氏之誤謬矣

詩曰鉤膺鏤錫 今詩大雅韓奕作錫徐鉉曰今經  
典作錫急就篇鞞鞞鞞鞞鞞錫顏註錫同錫

詩曰盧重鋹 齊風盧令

春秋傳曰諸侯敵王所鎡 今左傳文四年作愾按  
說文鎡怒戰也愾太息也音同義別杜註愾爲怒  
恨亦正用說文鎡訓因形聲相近通借愾

几部

周禮五几玉几雕几彤几髹几素几 春官司几筵  
今雕作彫髹作漆按彫爲彫琢雕爲鳥名字義各  
別然常通借爾雅釋器玉謂之雕雕謂之琢孟子  
必使玉人雕琢之周禮攷工記有雕人凡彫字皆  
借用雕埤雅云雕之義出于雕鶚之雕雕性刻制  
故也髹音許尤反今隸作髹說文髹漆也漆今用  
漆髹漆義通音別蓋傳寫之誤

周書凭玉几 今書顧命作憑經典釋文云說文作  
凭字林同徐鉉曰人之依憑及所任載故从任復  
古編云馮借爲依馮字別作憑凭並非摺謂凭乃  
依凭本字馮爲假借憑爲俗書復古編謂憑凭並非  
誤

孝經曰仲尼尻 今孝經作居按說文尻爲尻處字  
居乃蹲居字玉篇云尻與居同今經典相承皆用  
居以尻爲居之古文

### 斤部

詩曰又缺我斨 幽風破斧

詩曰伐木所 今詩小雅伐木作許許毛傳云柿

見柿音費隸作柿削木札也晉書王濬造樓船木  
柿蔽江而下許許木柿之兒也說文所所伐木聲  
朱傳許許衆人共力之聲通雅云與諱邪許舉重  
唱呼也古詩紀有邪許歌又有噓與歌蓋邪許噓  
與等字皆借聲之相近者用之非本字也詩之許  
許亦因聲借用

詩曰斧以斯之 陳風墓門

周書曰韶韶猗無他技 今書秦誓作斷斷按韶卽  
斷之古文

### 斗部

周禮曰求三斛 今周禮攷工記弓人作漆三斛按

說文膠漆字本但作𣎵漆乃水名𣎵漢時隸書或省作來與求字形近說文傳寫遂誤作求今毛氏仿宋槧本李吳若五音韻譜本陳大科校正本趙宦光長箋本無不作求徐鍇說文繫傳亦書作求則此字之譌由來已久千年亥豕頓還舊觀叔重有知當爲首肯

爾雅曰𣎵謂之𣎵 今爾雅釋器作𣎵郭註古鍤字釋文七遙反按說文𣎵乃量名故从斗爾雅𣎵乃田器故从刀音同義別未可強同說文無𣎵字引爾雅𣎵作𣎵疑因形近致誤

車部

詩曰輶車鑾鑾 秦風駟騶

春秋傳曰楚子登輶車 今左傳成十六年作巢省也經典釋文云字林亦作輶

周禮曰立當前軼 今周禮無此文按秋官大行人有立當車軼立當前疾立當車衡之語前軼或卽前疾之異文

周禮曰三分軼圍去一以爲鞬圍 攷工記輿人今本三作參義同

周禮曰孤乘夏輶 今周禮春官巾車作夏篆按鄭康成註云故書夏篆爲夏緣鄭司農云緣綠色或曰夏篆篆讀爲圭瑑之瑑夏篆轂有約也玄謂夏

篆五采畫轂約也鄭註與說文字異而義同篆蓋假借用之也

周禮曰加軫與轅焉 攷工記

易曰與脫輶 大畜

周禮曰望其轂欲其輶 今周禮攷工記作眼按說文輶轂齊等兒六書故云輶轉之速也鄭康成云眼出大兒鄭司農云眼讀如限切之限釋文云魚懇反鄭註義未詳眼輶當由音近誤借

詩曰約軹錯衡 小雅采芑

詩曰塗以鰣輶 秦風小戎

易拊馬 今易渙卦作拯詳前手部拊註

詩曰取羝以軼 大雅生民

論語鏗爾舍瑟而作 又見前手部揜註

周禮曰舟輿輦互者 秋官野廬氏今本輿作車

春秋傳曰輶諸栗門 左傳宣十一年

阜部

易曰有隕自天 姤卦

周書曰邦之杌隍 秦誓

春秋傳曰附婁無松柏 今左傳襄二十四年作部

婁義詳前木部編註

春秋傳曰將會鄭伯于鴈 今左傳襄七年作鄒按

穀梁傳釋文鄒本又作鴈九經字樣云鄒音葦與

隤同

夏書曰東至于陶北 今書禹貢作東出于陶北北

詩曰玆之饁饁 大雅絲

易曰城復于隤 泰卦

𡵓部

爾雅曰狐狸獾貉醜其足𡵓其跡𡵓 釋獸狐狸獾

貉今本作狸狐獾貉又𡵓作躡按說文本作番重

文作𡵓玉篇作躡云同𡵓

爾疋曰𡵓𡵓如人被髮 今爾雅釋獸作狒狒字又

作𡵓𡵓或作𡵓按𡵓乃𡵓字傳寫之譌𡵓乃古文

𡵓字音契見廣韻以爲𡵓字異體誤

已部

詩云赤鳥已已 今詩豳風狼跋作几几義詳前手

部擊註

壬部

易曰龍戰于野 坤卦

去部

易曰突如其來如 離卦

虞書曰教育子 今書舜典作胃子按王肅馬融諸

本竝作胃此作育無可攷或因字形相近而誤

酉部

詩曰酒醴維醕 大雅行葦

明堂月令曰孟秋天子飲酎 今月令作孟夏此誤  
春秋傳曰美而豔 左傳桓元年又見前豐部豔註  
詩曰公尸來燕醺醺 今詩大雅鳧鷖作來止熏熏  
經典釋文云說文作醺按熏不訓醉詩特以同音  
相借正字通反以說文作醺爲誤非是

周禮有醫酒 天官酒正

春秋傳曰爾貢包茅不入王祭不供無以舊酒 今  
左傳僖四年作縮按周禮天官甸師祭祀共蕭茅  
註鄭大夫云蕭字或爲茜茜讀爲縮茜縮音近茜  
蕭形近从茜爲正

酉部

禮有大酋掌酒官也 禮記月令

周禮六尊犧尊象尊尊箸尊壺尊大尊山尊 春官司  
尊彝今本犧作獻鄭註獻讀爲犧經典釋文云獻  
本或作戲注作犧同禮明堂位曰犧尊周尊也詩  
曰犧尊將將春秋傳曰犧象不出門皆作犧

亥部

春秋傳曰亥有二首六身 左傳襄三十年

說文引經攷終

山陽駱騰鳳校訂

說文引經攷補遺

水部

禹貢浮于淮泗達于荷 今書禹貢作達于河按程氏禹貢山川地里圖說云荷謂荷澤說文荷字下云禹貢浮于淮泗達于荷从水苛聲徐鉉音古俄切隸从艸作荷俗遂譌爲荷又譌爲河也許慎時經猶作荷而史記漢書竝作河蓋後人傳寫之誤濟水潞爲荷澤此經蒙青之文曰達于荷則由濟入潞可知矣又胡氏禹貢雖指云金氏曰達于河古文尙書作荷說文亦作荷蓋荷澤與濟水相通而泗水上可通荷下可通淮徐州浮淮入泗自泗

達荷也又云兗青徐揚四州之貢道前後相承不  
複不亂汶與濟連故青曰浮于汶達于濟徐揚道  
由淮泗從泗入濟必由荷澤故書曰達于荷若作  
河則複而無理河漯青且不言矣而徐復云達于  
河陵亂失次禹貢必無此書法而人猶謂作河爲  
是者總由不知荷澤之原委耳又云漢志山陽郡  
湖陵縣下云禹貢浮于淮泗達于河水在南漢時  
湖陵縣安得有黃河此河字明係荷字之誤水在  
南謂荷水在縣南也酈道元泗水注引此文云荷  
水在南濟水篇言荷水過湖陸縣南卽湖陵東入泗  
皆確證不獨許慎作荷也

昔侍伯父於濠梁學舍凡有箸述皆命應謄寫收貯雖畧識一二而未能窺其源委除別雅授梓外家藏尙有十餘種迨甲午黃水爲災諸書散失殆盡唯傳抄於外者尙可搜訪今金石存已爲同邑李宮詹所刻而說文引經攷一書尤爲有益學者不獨說文開卷了然卽諸經亦不無裨補每讀說文卽憶是書求之數十年乃得一見亟用借抄惜魯魚亥豕不一而足其了然知爲筆悞者可以改正其心疑其悞而不敢遽定者不得不姑從闕疑自處孤陋當世博雅君子又無從是正藏諸匣笥以待嗜古有力者博攷詳校梓出以公同好則幸

矢姪應枚謹記

說文一書有功經訓大矣第所引經每與今文互異  
一則所傳異辭因文各見如述字下旣引虞書曰旁  
述孱功侔字下又引虞書曰方鳩侔功是也一則約  
舉其辭本非成句如詩有威儀抑抑德音秩秩二語  
則約之爲威儀秩秩書大誥有大艱于西土西土人  
亦不靜越茲蠹則約之爲我有戡于西是也又三寫  
成烏展轉相失讀者不能無憾焉山陽吳山夫先生  
博學嗜古專精六書取說文所引之經校其同異正  
其是非自敘謂偏旁定而後訓故明訓故明而後經  
解正洵攷古之苑囿後學之津梁也茲將授梓以公  
同好覆檢許氏元書有數十條未經採輯者或傳抄

之脫落也爰彙而附之於後

𡳿部葬易曰古之葬者厚衣之以薪

正部可春秋傳曰反正爲乏

足部𡳿爾雅𡳿謂之𡳿

𡳿詩曰不敢不𡳿

𡳿春秋傳曰晉人𡳿之

𡳿部弈論語曰不有博弈者乎

𡳿部𡳿周書曰刑劓𡳿鯨

𡳿周書曰𡳿不畏𡳿

𡳿周書以爲討詩云無我𡳿兮

𡳿周書曰𡳿𡳿田

牧詩曰牧人乃夢

受部受讀若詩標有梅

骨部肱詩曰肱弁如星

出部黜易曰欒黜

木部榆讀若易卦屯

巾部幘讀若易屯卦之屯

人部伉論語有陳伉

衣部襜春秋傳曰衣有襜

山部獠詩曰遭我于獠之閒兮

鹿部麗禮麗皮納聘

火部煒詩曰彤管有煒

水部瀏詩曰瀏其清矣

虫部蚺周禮有蚺醢

土部墉詩曰不墉不隳

凡二十四條又大部僉讀若子違汝弼係書鮮魚部鮫鱣鮪鮫鮫係詩鮮艸部尤州之數語皆出周禮佳部雉十四種語出爾雅此類頗多今以元書未著經名槩不採入又書內錄孔子之言則王字下孔子曰一貫三爲王璠字下孔子曰美哉璠璠遠而望之奐若也近而視之瑟若也一則理勝二則字勝士字下孔子曰推十合一爲士芊字下孔子曰牛芊之字以形舉也烏字下孔子曰烏旡呼也

儿字下孔子曰在人下故詰屈俱當補入再書內  
因經及子則疋字下弟子職曰問疋何止亦當補  
入又壹部蠶字注云禮昏鼓四通爲大鼓夜半三  
通爲戒晨旦明五通爲發明今案周禮鼓人注引  
此文爲司馬法云

道光元年冬十月儀徵程贊詠識